

UNIVERZITET U TUZLI

Filozofski fakultet

**STUDIJSKI PROGRAM I CIKLUSA STUDIJA
STUDIJSKI ODSJEK SOCIJALNI RAD
AK. 2015/16.
/OPŠTE ODREDBE /**

Tuzla, mart, 2015. godine

I OPĆI DIO STUDIJSKOG PROGRAMA

I Stručni i akademski naziv i stepen koji se stiče završetkom studija I ciklusa

Završetkom studija I ciklusa student stiče akademsko, odnosno stručno zvanje u skladu sa Pravilnikom o akademskim i stručnim zvanjima i načinu njihovog korištenja koji donosi Ministarstvo obrazovanja, nauke, kulture i sporta Tuzlanskog Kantona.

Uz diplomu studentu se izdaje i Dodatak diplome (saplement).

II Uslovi i upis na studijski program

Pravo učešća na Konkursu imaju kandidati državljani Bosne i Hercegovine, strani državljani i lica bez državljanstva sa završenom srednjom školom u četverogodišnjem trajanju u Bosni i Hercegovini, kao i kandidati koji su srednju školu završili izvan Bosne i Hercegovine, a za koje je nakon postupka nostrifikacije, odnosno ekvivalencije utvrđeno da imaju završeno odgovarajuće srednje obrazovanje.

Pravo učešća na Konkursu imaju i kandidati sa završenom srednjom stručnom školom, ukoliko su stekli dopunsko obrazovanje iz općeobrazovnih predmeta u gimnaziji ili srednjoj tehničkoj i srodnoj školi.

Klasifikacija i izbor kandidata za upis vrši se na osnovu rezultata prijemnog ispita i drugih kriterija u skladu sa procedurama koje utvrđuje Senat Univerziteta u Tuzli

III Naziv i ciljevi studijskog programa

Nastavni plan studija urađen je u skladu sa obavezama Filozofskog fakulteta studijskog odsjeka da redovno inovira nastavne planove i programe, u skladu sa novim zahtjevima na tržištu. Nastavni plan i programi prilagođeni su zahtjevima Zakona o visokom obrazovanju i standardima kojima se reguliše visoko obrazovanje u Bosni i Hercegovini, što podrazumijeva potpuno prilagođavanje Bolonjskim principima i novi sistem organizovanja nastave i kontinuiranog ocjenjivanja studenata.

Studenti slušaju dvije grupe predmeta (obavezni i izborni) čijim polaganjem ostvaruju različit broj ECTS. Primjena novog nastavnog plana i programa počela je školske 2015/2016. godine.

Ciljevi studijskog programa su sljedeći:

- sticanje stručnih znanja vezanih za preventivne, razvojne i integrativne pristupe,

modele i sadržaje socijalnog rada u oblasti zaštite djece i omladine, porodica, starih lica, osoba sa invaliditetom, siromašnih i marginalizovanih pojedinaca i društvenih grupa

- razvoj sposobnosti razumjevanja i praćenja potreba socijalno ugroženih pojedinaca, porodica i zajednica.

- sticanje stručnih znanja o metodama i vještinama savetovanja, osnaživanja, lobiranja, zastupanja, pregovaranja i posredovanja u socijalnom radu,

- osposobljavanje za istraživanja čiji je cilj unapređenje djelatnosti socijalnog rada, humanitarnih aktivnosti i unapređenje socijalne sigurnosti ugroženih pojedinaca i porodica,

- osposobljavanje za izradu i realizaciju preventivnih programa socijalne integracije i reintegracije i rehabilitacije ovisnika, maloljetnih prestupnika i socijalno isključenih pojedinaca i porodica, kao i za unapređenje socijalnog funkcionisanja pojedinca i stabilnosti porodice i lokalne zajednice.

IV Trajanje I ciklusa i ukupan broj ECTS bodova

Prvi ciklus studija traje 4 godine (8 semestara) i vrednuje se sa 240 ECTS bodova. Studijska godina se organizuje u dva semestra (zimski i ljetni), od kojih svaki ima 15 nastavnih sedmica.

V Kompetencije i vještine koje se stiču kvalifikacijom (diplomom)

1. Poznavanje, razumijevanje i primjena u profesionalnoj praksi teorija, fenomena, modela, metoda i procedura i procesa socijalnog rada,

2. Sposobnost poznavanja, komparacije i razumjevanja različitih modela socijalne politike i rada u međunarodnom i pluralističkom profesionalnom okruženju,

3. Sposobnost za vlastiti profesionalni razvoj, promicanje i ugled struke, kao i prenošenje znanja i socijalnih vještina,

4. Sposobnost izrade originalnih projekata u oblasti socijalnog razvoja i socijalnog planiranja, socijalne podrške, socijalne prevencije i pomoći,

5. Razumijevanje i funkcioniranje institucija i poboljšanje institucionalne prakse i metodike socijalnog rada u oblasti civilnog društva i određenim područjima socijalnog rada,

6. Sposobnost za analizu socijalnog konteksta etiologije različitih stanja socijalne potrebe pojedinaca, društvenih grupa i lokalnih zajednica, kao i socijalnopatoloških pojava,

7. Osposobljenost za primjenu metoda socijalnog rada u procesima socijalizacije, resocijalizacije, socijalne rehabilitacije, socijalne integracije i reintegracije u različitim područjima socijalnog rada,

8. Sposobnost da se za socijalni rad koristi doprinos drugih relevantnih naučnih disciplina,

9. Sposobnost održavanja i obrane profesionalne autonomije socijalnog rada u dijalogu s

predstavnicima drugih profesija, različitim akterima, institucijama i javnosti uopšte,

10. Socijalne vještine i znanja koja omogućavaju pristup važnim resursima i korištenje i razvoj socijalnih mreža u pojedinim područjima socijalnog rada,

11. Sposobnost za upravljanje socijalnim rizicima u pojedinim područjima socijalnog rada,

12. Sposobnost rada u superviziji, interviziji i drugim oblicima podrške vlastite prakse socijalnog rada,

13. Sposobnost da se etički, samokritički i sa profesionalnom odgovornošću koriste

istraživački postupci i metode za provođenje socijalnih istraživanja,
14. Znanje i sposobnost za pripremu i realizaciju evaluacijskih istraživanja u socijalnom radu.

VI Uslovi prelaska sa drugih studijskih programa u okviru istih ili srodnih oblasti studiranja

Studentu Univerziteta se može omogućiti prelazak sa jednog studijskog programa na drugi studijski program pod uslovima i postupku utvrđenim Pravilima studiranja na I ciklusu studija na Univerzitetu u Tuzli.

Studentu drugog Univerziteta može se omogućiti prelazak sa srodnih/istorodnih akreditovanih studijskih programa na studijski program Filozofskog fakulteta u Tuzli studijski odsjek socijalni rad, pod uslovima i postupku utvrđenim Pravilima studiranja I ciklusu studija na Univerzitetu u Tuzli.

Pod **srodnim/istorodnim** studijskim programom smatraju se, studijski programi socijalnog rada i studijski programi socijalnog rada i socijalne politike.

VII Način izbora predmeta iz drugih studijskih programa

Studenti Filozofskog fakulteta studijski odsjek Socijalni rad mogu upisati pojedine predmete drugih studijskih programa Univerziteta koji se ne izvode na matičnom studiju. Upis predmeta odobrava Dekan fakulteta uz saglasnost odgovorne osobe za studijski program u okviru kojeg se nalazi predmet koji student želi da sluša.

Ostvareni ECTS bodovi priznaju se kao da su ostvareni u okviru studijskog programa Socijalni rad, a bodovna vrijednost predmeta odgovara onoj koju taj predmet ima u okviru studijskog programa u okviru kojeg se izvodi.

Broj studenata koji mogu upisati pojedini predmet ograničen je kapacitetom fakulteta/Akademije, o čemu odlučuje dekan na prijedlog odgovornog nastavnika predmeta.

Predmet koji student sluša na drugom fakultetu/Akademiji upisuje se u index.

VIII Uslovi upisa u sljedeći semestar, odnosno narednu godinu studija, te način završetka studija

Student stiče pravo na upis u narednu godinu studija ostvarivanjem ECTS kredita za predmete iz prethodne godine studija.

Student može prenijeti u narednu godinu studija najviše 10 (deset) ECTS bodova ili najviše 2 (dva) predmeta, ukoliko zajedno nose više od 10 (deset) ECTS bodova.

Student koji ne ispuni uslove iz prethodnih stavova, obnavlja istu godinu studija.

Student koji obnavlja studijsku godinu izvršava preostale ispitne obaveze u terminima završnog popravnog i dodatnog popravnog ispita

Student koji obnavlja studijsku godinu obavezan je platiti naknadu za obavljanje ispita prilikom svakog ponovnog polaganja završnog ili popravnog ispita iz predmeta u godini koju obnavlja, u visini koju utvrdi Senat.

Student koji obnavlja studijsku godinu, obavezan je prisustvovati realizaciji nastave samo iz nastavnih predmeta iz kojih nije izvršio utvrđene obaveze učešća u nastavi, odnosno nije ostvario pravo na potpis. Ako se, u navedenom slučaju radi o predmetu iz grupe izbornih predmeta student, u narednoj akademskoj godini, može

ponovo upisati isti ili birati drugi izborni predmet koji nosi potreban broj ECTS kredita.

Student završne godine studija, koji je ovjerio posljednji semestar (apsolvent) zadržava status studenta još 6 (šest) mjeseci, odnosno do 31. marta naredne godine, u kojem periodu ima pravo na obavljanje preostalih završnih ispita, u svakom kalendarskom mjesecu. Ukoliko ne diplomira u navedenom roku, preostale obaveze izvršava kao student – imatrikulant, uz obavezu plaćanja naknade za polaganje ispita u visini koju utvrdi Senat. Status imatrikulacije podrazumijeva vođenje studenta u evidenciji, bez obaveze obnavljanja završne godine studija i može trajati najduže do isteka akademske godine u kojoj ga sustiže generacija studenata upisanih po izmijenjenom nastavnom planu i programu. Student koji ne diplomira do isteka akademske godine u kojoj ga sustiže generacija studenata upisanih po izmijenjenom nastavnom planu i programu obnavlja upis završne godine studija, uz obavezu izvršavanja razlike obaveza iz nastavnog plana i programa u primjeni, ukoliko se ona utvrdi.

IX Način izvođenja studija

Studij je organiziran kao redovni.

X Uslovi nastavka studija

Po završetku studija prvog ciklusa student može nastaviti studij drugog ciklusa u trajanju od jedne godine.

XI. NASTAVNI PLAN

Nastavni plan četverogodišnjeg studija socijalnog rada sadrži obavezne (opće i stručne) predmete, izborne predmete i profesionalnu praksu, koja se realizira u okviru nastavnih predmeta: Praksa socijalnog rada I, II i III.

PRVA (I) GODINA		I semestar				II semestar			
Obavezni krediti		Zimski semestar				Ljetni semestar			
PREDMET		P	A	L	ECTS	P	A	L	ECTS
1	Teorija socijalnog rada	4	3	0	8				
2	Socijalna pedagogija	3	1	0	5				
3	Sociologija	3	1	0	5				
4	Interpersonalna komunikacija	3	1	0	4				
5	Engleski jezik za socijalne radnike I	2	1	0	4				
6	Politički sistem BiH	2	1	0	4				
7	Uvod u socijalnu politiku					3	3	0	7
8	Uvod u BHS standarni jezik					3	1	0	4
9	Socijalni rad s pojedincem					4	2	0	7
10	Razvojna psihologija					2	1	0	4
11	Engleski jezik za socijalne radnike II					2	1	0	4
12	Historija BiH					2	1	0	4
Ukupno obaveznih*		17	8	0	30	16	9	0	30
Ukuno sati/ECTS		25				25			

DRUGA (II) GODINA		III semestar				IV semestar			
Obavezni krediti		Zimski semestar				Ljetni semestar			
PREDMET		P	A	L	ECTS	P	A	L	ECTS
1	Socijalna politika Bosne i Hercegovine	4	3	0	8				
2	Upravno pravo s upravnim postupkom	2	1	0	4				
3	Porodično pravo	3	1	0	4				

4	Engleski jezik za socijalne radnike III	2	1	0	4				
5	Socijalni rad s grupom	3	2	0	7				
6	Socijalna zaštita					3	3	0	7
7	Engleski jezik za socijalne radnike IV					2	1	0	4
8	Pravogovor i pravopis BHS jezika sa kulturom izražavanja					2	1	0	4
9	Nasilje u porodici/obitelji					4	3	0	8
10	Sociologija BH društva					2	1	0	4
	Ukupno obaveznih*	14	8	0	27	13	9	0	27
	Ukuno sati/ECTS	22				22			

Izborni krediti		Zimski semestar				Ljetni semestar			
PREDMET		P	A	L	ECTS	P	A	L	ECTS
1	Historija i etika socijalnog rada	2	1	0	3				
2	Socijalna zaštita i modeli timskog rada	2	1	0	3				
3	Osnove ekonomske nauke	2	1	0	3				
4	Socijalni rad s osobama sa onesposobljenjem					2	1	0	3
5	Integrirana dječija zaštita					2	1	0	3
6	Porodična pedagogija					2	1	0	3

TREĆA (III) GODINA		V semestar				VI semestar			
Obavezni krediti		Zimski semestar				Ljetni semestar			
PREDMET		P	A	L	ECTS	P	A	L	ECTS
1	Socijalni rad s porodicom/obitelji	3	2	0	6				
2	Socijalna psihijatrija	2	0	0	4				
3	Menadžment u socijalnom radu	3	2	0	6				
4	Socijalni rad s ovisnicima	4	2	0	6				
5	Socijalna rehabilitacija	3	1	0	5				
6	Metodologija istraživanja u socijalnom radu					4	2	0	6
7	Praksa socijalnog rada I					0	2	0	3
8	Socijalni rad u školskim i zdravstvenim ustanovama					3	1	0	6
9	Socijalna gerontologija					3	2	0	6
10	Komparativni sistemi socijalne politike					3	2	0	6
	Ukupno obaveznih*	15	7	0	27	13	9	0	27
	Ukuno sati/ECTS	22				22			

Izborni krediti		Zimski semestar				Ljetni semestar			
PREDMET		P	A	L	ECTS	P	A	L	ECTS
1	Kreativne metode u socijalnom radu	2	1	0	3				

2	Projektni rad u socijalnoj zaštiti	2	1	0	3				
3	Socijalna psihologija	2	1	0	3				
4	Socijalni rad u kriznim situacijama					2	1	0	3
5	Socijalno poduzetništvo					2	1	0	3
6	Socijalna medicina					2	1	0	3

ČETVRTA (IV) GODINA		VII semestar				VIII semestar			
Obavezni krediti		Zimski semestar				Ljetni semestar			
PREDMET		P	A	L	ECTS	P	A	L	ECTS
1	Socijalna patologija I	3	2	0	6				
2	Socijalni rad i maloljetnička delinkvencija	4	2	0	7				
3	Socijalni rad u lokalnoj zajednici I	3	1	0	6				
4	Praksa socijalnog rada II	0	2	0	3				
5	Socijalni razvoj i socijalno planiranje	3	2	0	5				
6	Resocijalizacija osuđenih lica					3	1	0	5
7	Socijalni rad u lokalnoj zajednici II					3	2	0	6
8	Procesi u socijalnoj politici i socijalnom radu					3	2	0	6
9	Socijalna patologija II					3	2	0	7
10	Praksa socijalnog rada III					0	3	0	3
Ukupno obaveznih*		13	9	0	27	12	10	0	27
Ukuno sati/ECTS		22				22			

Izborni krediti		Zimski semestar				Ljetni semestar			
PREDMET		P	A	L	ECTS	P	A	L	ECTS
1	Zastupanje u socijalnom radu	2	1	0	3				
2	Socijalni rad s adolescentima	2	1	0	3				
3	Posttretmanska zaštita	2	1	0	3				
4	Supervizija u socijalnom radu					2	1	0	3
5	Civilno društvo i socijalni rad					2	1	0	3
6	Njemački jezik					2	1	0	3